

Deo optimo maximo uni & trino, Virgini Deiparæ, & sancto Luca orthodoxorum Medicorum Patrono. (1814)

QUÆSTIO MEDICA.

Aug 15/14

Quodlibetariis disputationibus, manè discutienda in Scholis Medicorum, die Jovis decimâ-sexâ Februarii.

M. JOANNE ROBERT, Doctore Medico, Præsîde.

An unquam incipientibus internis inflammationibus Mochlica, & hypnotica ex opio, phlebotomie præferenda?

SANGUINEM esse Naturæ thesaurum apud omnes est in confesso, eo se tueretur, fovet, ac sustinet, eo defraudata perit: sed hunc esse quamplurimorum & acutissimorum morborum parentem, vix unusquisque potest in animum inducere suum. Quanquam enim purus & laudabilis existat, si exuperet, & eo divites tum venæ tum arteriæ turgant, suis hîc corpus virtutibus oneratum, sæpe procumbit: tanta quippe moles vitio datur, vix à naturâ gubernari potest, illiusque magisterio subijci, prodit sæpenumero extra præscriptos limites, & provocat vomitum icturnque sanguinis, aliaque mala circumgerit hæc luxuries, quæ in gravia pericula præceps ferri solet. Si à nativâ indole sit degener, & putredinis vitio inficiatur, ut est alimenti pars optima, admodum purgata & elaborata, sic immutatus, horror est: quantas strages edere soleat, quam dura parere symptomata, sive in vasis residat clanculum sæviens, sive ex iis effusus in locum aliquem, & hinc exitu prohibitus, authorem se præbeat cladis & ruinæ partium, quarum vitæ crebrò consequitur. Hinc jure exploditur eorum opinio, qui sanguinem nunquam redundare, Naturam vitæ magistrâ & ducem nunquam nimium conficere & continere, nec in locis sibi naturaliter destinatis putredinem concipere posse, & sanguinis morientis charactere indui, obfirmare pronuntiant.

QUI phlegmorâs seu inflammationes progignit humor, sanguis est; & reus & author hujus incendii, ad partem aliquam appellens, ibique stationem parans, in illius exilioribus vasis effervescit, & flammam concipit: tunc æstus immodicus percipitur, febris emicat, jactatio corporis non mediocriter fatigat ægrotantem, urinæ flammæ & acres redduntur, dolor perfitentur plus minusve habita ratione partis læsæ, cujus est obtusus aut exquisitus sensus. Sanguis autem ille rarò sincerus est, at sæpenumero biliosus, frequenter quoque depravatur, necnon permiscetur succis excrementitiis, quorum occursum & commercio deterior evadit, & novam malitiæ labem adipiscitur, funestam sæpè, si partem nobilem tetigerit, peccaverit æger novo vivendi errore, deliquerit in remedium usu, Medicus suo rectè non factus fuerit officio, in quem sæpè culpa rejicitur; jure, an injuriâ tunc enim opus est celeritate, & absque ulla procrastinatione, ea veniunt in usum præsidia, non quidem quæ hosce affectus efferos irritare & accendere valent, sed quæ dotibus nobilioribus instructa, eorum causam pessum dare & circumcidere apta sunt, magno ægrotantis bono & solatio, verâ & solidâ Medentis gloriâ & ornamento.

MOXAIKA medicamenta, qualia vulgo circumferuntur Elleborus, granum cnidium, Colocynthis, Scammonium, elaterium, gratiola, stibium &c. sursum aut deorsum, aut utroque modo è distantissimis regionibus humores extorquent, pleraque absque ullo delectu: calore intenso pollent, omnia valde urunt, & viscera sanguinem, & spiritus inflammare perhibentur. Opium quoque, quod liquor est lacteus ex papaveris scapo leviter inciso elicitus, recentior Ætas, admodum attenta & sagax in indagandis Naturæ mysteriis, esse impense calidum audent asserere, & perspicue demonstratur insigni quo pollet amarore, odore gravi & visolò nares feriente, quod facile flammam concipit-candelæ admodum, quod devoratum ardore & acrimoniâ fauces accendit, linguam vellicat, sitim promoveret, instigat ad venerem, censeturque pars ejus oleosa sive sulphurea esse subiectum virtutis illius soporiferæ, quæ ipsi naturaliter insita est; sicut quid simile vino ingenitum est, cujus spiritus totus flammeus soporem ebrietatemque conciliat. Ne vero putes famulosum laudanum opio purò & nativo pretiosius esse, quo diligentius præparatur, eo debilius evadit, quod opii admodum expetendâ fugiente & exhalante. Facultates quoque tum catharticum tum hypnoticum, ne quæras extra eorum proprietates, quæ perinde ac in cardiacis, hepaticis, splenicis distinguuntur à ceteris dotibus quas possident. Quam benè mereretur de Medicinâ, quisquis (absque ostentatione) innatas medicamentorum vires naturâ suâ involutâ, artis suæ operâ evolve-ret & manifestaret: sed verendum, ne sapiat ille ut pauper Alchymista, qui divitias, quas non exhibet, omnibus pollicetur.

LUDIT de corio humano, & Naturam insectari non morbum videtur, quisquis primis internarum inflammationum temporibus Mochlica præscribit. Si etenim ingens crimen est in acutis statim initio purgare, nisi materia turgeat, quod fit *δυσχέως*, ac ferè nunquam, idque opus moliri debeant Medici *περὶ τῶν ἐν τοῖς αἵματι*, multa atrocior esset tunc temporis effrenatorum horumce purgantium usum insinuare, quo phlegmonè obfcessâ pars, tota ardet & exandescit. Quis unquam animadvertit constanti & diurnâ observationum serie, purgationem aliquam tum per superiora tum per inferiora ægrotantibus in pares angustias adductis, salutarem contigisse, ut tacitis Naturæ monitis sanisq; consiliis non audiens (quam tamen in omnibus jurat imitandam) mochlicorum ope conflagrantis partis humores subtrahere aggrediatur: fortes quippe hæc medicinæ eximio calore præditæ, tumori jam æstuantis facies admovent, quem potius cicurare præstabat: nihil ex partis accense foco detraherent, ob humoris crudi & fortiter impacti contumaciam: partes quoque sanæ & solidæ earum impetu franguntur, naturæque tota atteritur, vi directis spiritibus, quorum ingentes copiæ ipsius divitiæ sunt. Non parum quoque graviter peccat in rem ægrotantium, qui ipsarum opium hîc afflicto profuturum sibi suadens, crudum, seu variis involutum modis pro libidine, devorandum præbet, quod ut insigniter calidum, aptum est potius phlegmonem adaugere quam extinguere, præterea cum ex sua indole somnum conciliet, hic pestifer & exitialis in hîc malis habitus est, ut qui allapsos ad partem affectam humores silit, quæ tunc sanguine, spiritibus, & calore, intro recurrentibus, tanquam subditis ignibus omnimodò perit.

QUOD est Architecto libellâ & lineâ, Naclero in puppa sedenti clavus, id Medenti sunt Indicationes, quas cautè dirigit ad Naturæ normam, quæ cum sui juris est nec impedita, per grandem hæmorrhagiam, abundantem hæmorrhoidum fluxum, copiosum menstruum profusum, se à gravissimorum morborum insulsi-bus vindicat. Medicus Naturæ sedulus imitator & minister, dum humorum sarcinâ pressa & gravata gemit, nec sibi met ipsi valet opitulari, venit in ejus subsidium; & imperato tenuissimo vivendi modo & lege; crebro quoque refrigerantium & lenientium usu, aliisque *εὐχρίστος* & *φειδύλας* præscriptis, per sanguinis missionem plena manu celebratam, imò ad animi deliquium, si vires constant, & celum, sexus, ætas & alia consentiunt, harumce inflammationum causam oppugnat: hujus enim pabulum & fomes est sanguis, qui fundendo & æstuando in partibus, in quibus coarctetur atque compingitur, has seditiones concitat & movet: eo evacuato cuncta tepestunt, æstus pacatur, serenitas advenit, & ægri penè omnes convalescunt. Quis quoque nescit in subitis timoribus & mororibus, in quibus imminet suffocationis periculum, vitam esse redditam usu generosi præsidii, cujus ope sanguis & spiritus in visceribus collecti explicantur, & ab illis revelluntur. Quis non expertus est in magnis vulneribus, quæ spem salutis non adimunt, uberem cruoris ex parte læsâ profusionem, salutarem eventum celerioremq; sanationem portendere atque procurare. sic sanguinis detractio liberalis & tempestiva, tanquam *ἀγώνισμα* præsidium ad salutem proximum & quasi compendiarium, ad hosce affectus, quorum plerique peracuti sunt, edomandos, omnibus mochlicis valentius, quibuscumlibet opiatu securius præsto erit, ut cujus utilitas & opportunitas Medicinæ Principum autoritate, traditione, usu, experientiâ, fulcitur, ratione, methodo, judicio, stabilitur.

Nunquam ergo incipientibus internis inflammationibus Mochlica, & hypnotica ex opio, phlebotomie præferenda.

DOMINI DOCTORES DISPUTATURI.

M. Pontius Maurin.
M. Franciscus Maillard.
M. Joannes Poissen.

M. Jacobus des Prez.
M. Petrus-Paulus Gayard.
M. Franciscus le Rat.



M. Petrus Lombard.
M. Philippus Matbon.
M. Raymundus Finot.

Proponebat Parisiis ANTONIUS SERIN, Francopolitanus Diocæsis Ruthenensis, Baccalaureus Medicus. A. R. S. H. 1696.